

**An Bhruiséil, 23 Deireadh Fómhair 2025
(OR. en)**

14384/25

**Comhad Idirinstitiúideach:
2025/0324 (NLE)**

**ECOFIN 1398
UEM 503
FIN 1237
ECB
EIB**

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	22 Deireadh Fómhair 2025
chuig:	Thérèse BLANCHET, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2025) 644 final
Ábhar:	Togra le haghaidh CINNEADH CUR CHUN FEIDHME ÓN gCOMHAIRLE lena leasaítear Cinneadh Cur Chun Feidhme (AE) (ST 12532/21 INIT; ST 12532/21 ADD 1) an 29 Deireadh Fómhair 2021 maidir le formheas an mheasúnaithe ar phlean téarnaimh agus athléimneachta na hEastóine

Gheobhaidh na toscaireachtaí i gceangal leis seo doiciméad COM(2025) 644 final.

Faoi iamh: COM(2025) 644 final



AN COIMISIÚN
EORPACH

An Bhruiséil, 22.10.2025
COM(2025) 644 final

2025/0324 (NLE)

Togra le haghaidh

CINNEADH CUR CHUN FEIDHME ÓN gCOMHAIRLE

**lena leasaítear Cinneadh Cur Chun Feidhme (AE) (ST 12532/21 INIT; ST 12532/21
ADD 1) an 29 Deireadh Fómhair 2021 maidir le formheas an mheasúnaithe ar phlean
téarnaimh agus athléimneachta na hEastóine**

{SWD(2025) 337 final}

Togra le haghaidh

CINNEADH CUR CHUN FEIDHME ÓN gCOMHAIRLE

lena leasaítear Cinneadh Cur Chun Feidhme (AE) (ST 12532/21 INIT; ST 12532/21 ADD 1) an 29 Deireadh Fómhair 2021 maidir le formheas an mheasúnaithe ar phlean téarnaimh agus athléimneachta na hEastóine

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2021/241 ó Pharlaimint na hEorpa agus ón gComhairle an 12 Feabhra 2021 lena mbunaítear an tSaoráid Téarnaimh agus Athléimneachta¹, agus go háirithe Airteagal 20(1) de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) I ndiaidh don Eastóin an plean téarnaimh agus athléimneachta náisiúnta ('an plean') a chur isteach an 18 Meitheamh 2021, mhol an Coimisiún a mheasúnú dearfach don Chomhairle. An 29 Deireadh Fómhair 2021, d'fhormheas an Chomhairle an measúnú dearfach trí bhíthin cinneadh cur chun feidhme ('Cinneadh Cur Chun Feidhme ón gComhairle an 29 Deireadh Fómhair 2021')². Leasaíodh Cinneadh Cur Chun Feidhme ón gComhairle an 29 Deireadh Fómhair 2021 le Cinneadh Cur Chun Feidhme ón gComhairle an 16 Meitheamh 2023³.
- (2) An 2 Deireadh Fómhair 2025 rinne an Eastóin iarraidh réasúnaithe ar an gCoimisiún togra a dhéanamh le haghaidh Cinneadh Cur Chun Feidhme ón gComhairle an 29 Deireadh Fómhair 2021 a leasú i gcomhréir le hAirteagal 21(1) de Rialachán (AE) 2021/241, ós rud é nach féidir an plean téarnaimh agus athléimneachta a bhaint amach ina iomláine a thuilleadh de bharr imthosca oibiachtúla. Ar an mbonn sin, tá plean téarnaimh agus athléimneachta leasaithe curtha isteach ag an Eastóin.

Leasuithe bunaithe ar Airteagal 21 de Rialachán (AE) 2021/241

- (3) Na leasuithe ar an bplean téarnaimh agus athléimneachta a chuir an Eastóin isteach i ngeall ar imthosca oibiachtúla, baineann siad le 41 bheart.

¹ IO L 57, 18.2.2021, lch. 17, ELI: <https://eur-lex.europa.eu/eli/reg/2021/241/oj>.

² ST 12532/21 INIT; ST 12532/21 ADD 1; ST 12532/21 ADD 1 COR 1; ST 12532/21 ADD 1 COR1 REV1 ag <https://www.consilium.europa.eu/ga/documents/public-register/>

³ ST 9367/23 INIT; ST 9367/23 ADD1 REV1 an 16 Meitheamh 2023 ag <https://www.consilium.europa.eu/ga/documents/public-register/>

- (4) Tá mínithe ag an Eastóin nach féidir trí bheart a bhaint amach a thuilleadh, mar gheall ar éileamh athraithe an mhargaidh. Baineann sé sin le beart 1.3 (Seirbhísí billí iompair digiteacha a fhorbairt), beart 2.7 (Deiseanna a chruthú le haghaidh glacadh teicneolaíochtaí hidrigine glaise atá bunaithe ar fhoinsí in-athnuaite fuinnimh), agus beart 4.7 (Clár Píolótach Stórála Fuinnimh). Ar an mbonn sin, tá iarrtha ag an Eastóin go ndéanfaí na bearta sin a leasú. Ba cheart Cinneadh Cur Chun Feidhme ón gComhairle an 29 Deireadh Fómhair 2021 a leasú dá réir.
- (5) Tá mínithe ag an Eastóin go bhfuil trí bheart leasaithe chun roghanna malartacha níos fearr a chur chun feidhme chun a n-uailmhian bhunaidh a bhaint amach. Baineann sé sin le beart 2.6 (an Ciste Glas), le beart 4.4 (Borradh a chur faoin aistriú glas sa gheilleagar fuinnimh) agus le beart 6.6 (Bearta maidir leis an margadh saothair a chur ar fáil chun dífhostaíocht i measc na hóige a laghdú). Ar an mbonn sin, tá iarrtha ag an Eastóin go leasófaí na bearta thuasluaite. Ós rud é go bhfuil údar le leasú na mbeart mar gheall ar na himthosca sin, ba cheart Cinneadh Cur Chun Feidhme ón gComhairle an 29 Deireadh Fómhair 2021 a leasú dá réir sin.
- (6) Tá mínithe ag an Eastóin go bhfuil 33 bheart leasaithe chun roghanna malartacha níos fearr a chur chun feidhme lenar féidir an t-ualach riaracháin a laghdú agus an Cinneadh Cur Chun Feidhme ón gComhairle a shimpliú, agus cuspóirí na mbeart sin á mbaint amach an tráth céanna. Baineann sé sin le beart 1.1. (Claochlú digiteach i bhfiontar), beart 1.2. (An ríomhthógáil a fhorbairt), beart 1.4. (Athchóiriú scileanna le haghaidh claochlú digiteach gnólachtaí), beart 1.5. (Tacú le hiomaíochas fiontar i margaí eachtracha), beart 2.2. (Scileanna glasa chun tacú le haistriú glas fiontar), beart 2.3. (Cláir forbartha teicneolaíochtaí glasa), beart 2.4. (Nuachóiriú na samhlacha gnó i gcuideachtaí monaraíochta), beart 2.5. (Teicneolaíochtaí glasa atá tíosach ar acmhainní a chur in úsáid), beart 2.8. (Tacaíocht infheistíochta i slándáil an tsoláthair), beart 3.1. (Ionad bearr feabhais le haghaidh rialachas sonraí agus sonraí oscailte a chruthú), beart 3.2. (Seirbhísí imeachtaí agus seirbhísí poiblí digiteacha réamhghníomhacha do dhaoine aonair a fhorbairt), beart 3.3. (Seirbhísí imeachtaí agus tairseach dhigiteach d'fhiontrair a fhorbairt), beart 3.4. (Clár #Bürokratt (ardán agus éiceachóras fíorúil cúnta náisiúnta)), beart 3.5. (Athchumrú seirbhísí digiteacha bunúsacha agus an t-aistriú sábháilte chuig bonneagar néalríomhaireachta), beart 3.6. (Anailís straitéiseach ar sciúradh airgid agus ar mhaoiniú sceimhlitheoireachta san Eastóin a bhunú), beart 3.7. (Córas faisnéise le haghaidh anailís straitéiseach fíor-ama ar sciúradh airgid agus ar mhaoiniú sceimhlitheoireachta), beart 3.8. (Líonraí leathanbhanda fíor-ardacmhainneachta a thógáil), beart 4.1. (Éifeachtúlacht fuinnimh a chur chun cinn), beart 4.2. (Tacaíocht chun foirgnimh árasán a athchóiriú), beart 4.3. (Tacaíocht chun foirgnimh bheaga chónaithe a athchóiriú), beart 4.5. (Clár chun an eangach leictreachais a neartú chun an acmhainneacht táirgeachta fuinnimh in-athnuaite a mhéadú agus a chur in oiriúint don athrú aeráide (amhail cosaint ar stoirmeacha)), beart 4.6. (Clár chun borradh a chur faoi tháirgeadh fuinnimh i limistéir thionsclaíocha), beart 4.8. (Borradh a chur faoi fhorbairt feirmeacha gaoithe amach ón gcósta), beart 5.1. (Bonneagar iompair agus fuinnimh atá sábháilte, glas, iomaíoch, bunaithe ar riachtanais agus inbhuanaithe a chur in úsáid), beart 5.2. (Soitheach oibre ilfheidhmeach), beart 5.4. (Tramlíne Sean-Chalafort Thaillinn a thógáil), beart 5.5. (Infheistíochtaí bardas i mbóithre agus i mbealaí siúil), beart 6.1. (Athrú cuimsitheach ar eagrú an chúraim sláinte san Eastóin), beart 6.2.a (Tógáil TERVIKUM), beart 6.8. (Cúram fadtéarmach), beart 8.1. (Úsáid foinsí in-athnuaite fuinnimh a éascú), beart 8.2. (Clár chun an rochtain atá ag táirgeadh fuinnimh in-athnuaite ar an líonra dáileacháin leictreachais a mhéadú), beart 8.3. (Táirgeadh agus glacadh bithgháis agus bithmheatáin inbhuanaithe a mhéadú). Ar an mbonn sin, tá iarrtha ag an Eastóin go

ndéanfaí na bearta sin a leasú. Ba cheart Cinneadh Cur Chun Feidhme ón gComhairle an 29 Deireadh Fómhair 2021 a leasú dá réir.

- (7) Tar éis leibhéal cur chun feidhme beart a laghdú i gcomhréir le hAirteagal 21 de Rialachán (AE) 2021/241, tá iarrtha ag an Eastóin úsáid a bhaint as na hacmhainní a saoradh tríd an laghdú ar chur chun feidhme bheart 2.7. (Deiseanna a chruthú le haghaidh glacadh teicneolaíochtaí hidrigine glaise atá bunaithe ar fhoinsí in-athnuaite fuinnimh), chun beart nua 5.3.b. (Stráice iarnróid ó Rapla go Lelle a athchóiriú) a chur leis agus chun leibhéal cur chun feidhme birt amháin a mhéadú. Baineann sé sin le beart 5.3.a (Tarbhealaí iarnróid Rail Baltic a thógáil). Ar an mbonn sin, tá iarrtha ag an Eastóin go méadófaí leibhéal cur chun feidhme birt amháin agus go gcuirfí beart nua amháin leis. Ba cheart Cinneadh Cur Chun Feidhme ón gComhairle an 29 Deireadh Fómhair 2021 a leasú dá réir.

Dáileadh cloch míle agus spriocanna

- (8) Ba cheart dáileadh na gcloch míle agus na spriocanna i dtráthchodanna a leasú chun na leasuithe ar an bplean téarnaimh agus athléimneachta agus an amlíne tháscach a chuir an Eastóin i láthair a chur san áireamh.

Measúnú an Choimisiúin

- (9) Rinne an Coimisiún measúnú ar an bplean téarnaimh agus athléimneachta leasaithe i gcomparáid leis na critéir mheasúnaithe a leagtar síos in Airteagal 19(3) de Rialachán (AE) 2021/241.
- (10) Measann an Coimisiún nach ndéanann na leasuithe a chuir an Eastóin chun cinn difear don mheasúnú dearfach ar an bplean téarnaimh agus athléimneachta a leagtar amach i gCinneadh Cur Chun Feidhme ón gComhairle an 29 Deireadh Fómhair 2021 maidir le hábharthacht, éifeachtacht, éifeachtúlacht agus comhleanúnachas an phlean téarnaimh agus athléimneachta i gcomparáid leis na critéir mheasúnaithe a leagtar síos in Airteagal 19(3) de Rialachán (AE) 2021/241 pointí (a), (b), (c), (da), (db), (f), (g), (h), (j) agus (k).

Gan dochar suntasach a dhéanamh

- (11) I gcomhréir le hAirteagal 19(3), pointe (d), de Rialachán (AE) 2021/241, agus le critéar 2.4 d'Iarscríbhinn V a ghabhann leis, meastar go n-áiritheofar leis an bplean téarnaimh agus athléimneachta leasaithe nach ndéanfaidh aon bheart (rátáil A) maidir le cur chun feidhme na n-athchóirithe agus na dtionscadal infheistíochta a chuimsítear sa phlean téarnaimh agus athléimneachta sin, nach ndéanfaidh aon bheart dá leithéid dochar suntasach do chuspóirí comhshaoil de réir bhrí Airteagal 17 de Rialachán (AE) 2020/852 ó Pharlaimint na hEorpa agus ón gComhairle (an prionsabal 'gan dochar suntasach a dhéanamh').
- (12) Déantar measúnú sa phlean leasaithe ar chomhlíonadh an phrionsabail 'gan dochar suntasach a dhéanamh' de réir na modheolaíochta a leagtar amach sa treoraíocht theicniúil a thugtar san Fhógra ón gCoimisiún dar teideal 'Treoraíocht theicniúil maidir le cur i bhfeidhm "gan dochar suntasach a dhéanamh" faoi Rialachán na Saoráide Téarnaimh agus Athléimneachta'⁴. Déantar an measúnú go córasach le haghaidh gach athchóirithe agus infheistíochta modhnaithe de réir an chur chuige dhá chéim. Is é conclúid an mheasúnaithe nach bhfuil aon riosca ann go ndéanfar dochar suntasach do gach beart modhnaithe agus don bheart nua. I gcás inar gá, tá ceanglais

⁴

IO C 58, 18.2.2021, lch. 1.

mheasúnú ‘gan dochar suntasach a dhéanamh’ cumhdaithe i ndearadh birt agus sonraítear iad i gcloch mhíle nó i sprioc de chuid an bhirt sin. Ar bhonn na faisnéise a chuirtear ar fáil, is féidir teacht ar an gconclúid nach ndéanann aon bheart dochar suntasach do chuspóirí comhshaoil de réir bhrí Airteagal 17 de Rialachán (AE) 2020/852.

Rannchuidiú leis an aistriú glas lena n-áirítear an bhithéagsúlacht

- (13) I gcomhréir le hAirteagal 19(3), pointe (e), de Rialachán (AE) 2021/241 agus le critéar 2.5 d’Iarscríbhinn V a ghabhann leis, tá bearta sa phlean leasaithe a rannchuidíonn go mór (rátaíl A) ó thaobh an aistrithe ghlais de, lena n-áirítear an bhithéagsúlacht, nó ó thaobh aghaidh a thabhairt ar na dúshláin a eascraíonn as sin. Baineann na bearta a thacaíonn le cuspóirí aeráide le méid arb é atá ann 49 % de leithdháileadh iomlán an phlean leasaithe, agus 78 % de chostais mheasta iomlána na mbeart sa chaibidil REPowerEU, méideanna arna ríomh i gcomhréir leis an modheolaíocht a leagtar amach in Iarscríbhinn VI a ghabhann le Rialachán (AE) 2021/241. I gcomhréir le hAirteagal 17 de Rialachán (AE) 2021/241, tá an plan leasaithe comhsheasmhach leis an bhfaisnéis atá sa Phlean Náisiúnta Fuinnimh agus Aeráide 2021-2030.
- (14) Leanann an plan modhnaithe de bhéim a chur ar theicneolaíochtaí glasa nua a fhorbairt i réimsí straitéiseacha amhail an fuinneamh. Leanann sé freisin de bheith ag tacú le haistriú cuideachtaí ó fhuinneamh iontaise go foinsí malartacha fuinnimh, agus díríonn sé ar sciar na soghluaisteachta inbhuanaithe a mhéadú. Rannchuidíonn an plan le spriocanna 2030-2050 a bhaint amach chomh maith le cuspóir an Aontais a bheith aeráidneodrach faoi 2050 trí fhad líonra iarnróid na hEastóine atá leictrithe a leathnú agus tríd an iompar poiblí i dTaillinn, lena n-áirítear rochtain ar an aerfort, a dhéanamh níos cuimsithí agus níos áisiúla.
- (15) Leis an bplan modhnaithe, tugtar isteach ionstraim airgeadais le haghaidh bheart 2.6 (an Ciste Glas) mar aon le modhnú ar na táscairí faoi seach. Mar thoradh ar an modhnú sin, laghdaítear cion foriomlán na gcistí a thacaíonn le cuspóirí aeráide. Ina theannta sin, leis an laghdú ar na spriocanna faoi bheart 2.7 (Deiseanna a chruthú le haghaidh glacadh teicneolaíochtaí hidrigine glaise atá bunaithe ar fhoinsí in-athnuaite fuinnimh), laghdaítear an ranníocaíocht aeráide freisin. Cúitítear é sin go páirteach leis an méadú ar uaillmhian bheart 5.3.a (Tarbhealaí Iarnróid Rail Baltic a thógáil) agus trí bheart 5.3.b (Stráice iarnróid ó Rapla go Lelle a athchóiriú) a thabhairt isteach. Ar an iomlán, áiríteofar an ceanglas maidir leis an gclibeáil aeráide leis an bplan modhnaithe ina iomláine agus fanann sé os cionn 37 % den chuid is mó.

Costáil

- (16) I gcomhréir le hAirteagal 19(3), pointe (i), de Rialachán (AE) 2021/241 agus le critéar 2.9 d’Iarscríbhinn V a ghabhann leis, an t-údar a thugtar sa phlean téarnaimh agus athléimneachta leasaithe maidir le méid an chostais iomláin mheasta a bhaineann leis an bplan, tá an t-údar sin measartha maidir lena réasúnta agus a inchreidte atá sé (rátaíl B), tá sé i gcomhréir le prionsabal na costéifeachtúlachta agus tá sé i gcomhréir leis an tionchar ionchasach náisiúnta eacnamaíoch agus sóisialta.
- (17) De réir na faisnéise a cuireadh ar fáil, léirítear sa mheasúnú ar na meastacháin chostais do na bearta athbhreithnithe go bhfuil an chuid is mó de na costais réasúnta agus inchreidte cé go léiríonn an fhianaise go bhfuil na ríomhanna éagsúil ó thaobh leibhéal mionsonra agus doimhneachta de. Ina theannta sin, bhí údar cuí leis na hathruithe sna meastacháin chostais le haghaidh bearta leasaithe agus bhí siad comhréireach agus, dá bhrí sin, níor athraíodh réasúnaíocht agus inchreidteacht na meastachán costais sin i

gcomparáid leis an bplean bunaidh. Ar deireadh, tá costais iomlána measta an phlean mhodhnaithe i gcomhréir le prionsabal na costéifeachtúlachta agus tá siad i gcomhréir leis an tionchar ionchasach náisiúnta eacnamaíoch agus sóisialta.

- (18) Ó rinneadh an measúnú roimhe seo, bhí rochtain ag an gCoimisiún ar fhaisnéis maidir le cur chun feidhme iarbhír chóras iniúchóireachta agus rialúcháin na hEastóine. Áirítear leis sin torthaí na hiniúchóireachta ar chosaint leasanna airgeadais an Aontais arna ndéanamh ag an gCoimisiún san Eastóin.
- (19) I bhfianaise na faisnéise sin, measann an Coimisiún go bhfuil córas rialúcháin inmheánaigh phlean téarnaimh agus athléimneachta na hEastóine leordhóthanach ar an iomlán.

Bearta lena dtacaítear le hoibríochtaí infheistíochta a rannchuidíonn le cuspóirí an Ardáin um Theicneolaíochtaí Straitéiseacha don Eoraip (STEP)

- (20) I gcomhréir le hAirteagal 4(4) de Rialachán (AE) 2024/795 ó Pharlaimint na hEorpa agus ón gComhairle an 29 Feabhra 2024 lena mbunaítear an tArdán Teicneolaíochtaí Straitéiseacha don Eoraip (STEP)⁵, mheas an Eastóin gur tionscadail tosaíochta iad na tionscadail sin ar bronnadh Séala Ceannasachta orthu de bhun Airteagal 4(1) de Rialachán (AE) 2024/795. Mar sin féin, mheas an Eastóin nach raibh aon tionscadal ar bronnadh Séala Ceannasachta air le cur sa phlean leasaithe toisc gur de chineál mórsála agus fadtéarmach iad na tionscadail sin go ginearálta, rud a éilíonn tréimhse cur chun feidhme a théann thar an tréimhse ama a cheadaítear faoin tSaoráid Téarnaimh agus Athléimneachta.

Measúnú dearfach

- (21) Tar éis an mheasúnaithe dhearfaigh ón gCoimisiún ar an bplean téarnaimh agus athléimneachta leasaithe agus an toradh a bhí air, mar atá, go gcomhlíonann an plan téarnaimh agus athléimneachta go sásúil na critéir mheasúnaithe a leagtar amach i Rialachán (AE) 2021/241, i gcomhréir le hAirteagal 20(2) den Rialachán sin agus le hIarscríbhinn V a ghabhann leis, ba cheart na hathchóirithe agus na tionscadail infheistíochta is gá chun an plan téarnaimh agus athléimneachta leasaithe a chur chun feidhme a leagan amach, iad sin agus na clocha míle, spriocanna agus táscairí ábhartha, agus an méid a chuirtear ar fáil ón Aontas le haghaidh chur chun feidhme an phlean téarnaimh agus athléimneachta leasaithe.
- (22) Ba cheart an Cinneadh seo a bheith gan dochar do nósanna imeachta a bhaineann le saobhadh ar oibriú an mhargaidh inmheánaigh a d'fhéadfaí a dhéanamh, go háirithe faoi Airteagal 107 agus Airteagal 108 den Chonradh ar Fheidhmiú an Aontais Eorpaigh. Ní ghabhann sé treis ar an gceanglas atá ar na Ballstáit na bearta a chur chun feidhme i gcomhréir le dlí an Aontais agus leis an dlí náisiúnta agus, go háirithe, fógra a thabhairt don Choimisiún faoi chásanna státhabhrach a d'fhéadfadh a bheith ann faoi Airteagal 108 den Chonradh.

Ranníocaíocht airgeadais

- (23) Is é EUR 953 380 000 costais iomlána mheasta phlean téarnaimh agus athléimneachta leasaithe na hEastóine. Ós rud é go bhfuil méid chostas iomlán measta an phlean téarnaimh agus athléimneachta leasaithe níos airde ná an ranníocaíocht uasta airgeadais cothrom le dáta atá ar fáil don Eastóin, an ranníocaíocht airgeadais iomlán arna suí i gcomhréir le hAirteagal 4a de Rialachán (AE) 2021/1755 ó Pharlaimint na

⁵ IO L, 2024/795, 29.2.2024.

hEorpa agus ón gComhairle⁶ agus le hAirteagal 20(4) agus Airteagal 21a(6) de Rialachán (AE) 2021/241, arna leithdháileadh ar phlean téarnaimh agus athléimneachta leasaithe na hEastóine, ba cheart gurb é EUR 953 184 800 an méid sin. Dá bhrí sin, níl aon athrú ar an ranníocaíocht airgeadais a chuirtear ar fáil don Eastóin.

TAR ÉIS AN CINNEADH SEO A GHLACADH:

Airteagal 1

Formheas an mheasúnaithe ar an bplean téarnaimh agus athléimneachta

Formheastar an measúnú ar phlean téarnaimh agus athléimneachta leasaithe na hEastóine a rinneadh ar bhonn na gcritéar dá bhforáiltear in Airteagal 19(3) de Rialachán (AE) 2021/241.

Airteagal 2

Leasuithe

Leasaítear Cinneadh Cur Chun Feidhme ón gComhairle an 29 Deireadh Fómhair 2021 maidir le formheas an mheasúnaithe ar phlean téarnaimh agus athléimneachta na hEastóine mar a leanas:

cuirtear an téacs a leagtar amach san Iarscríbhinn a ghabhann leis an gCinneadh seo in ionad na hIarscríbhinne a ghabhann le Cinneadh Cur Chun Feidhme ón gComhairle an 29 Deireadh Fómhair 2021 maidir le formheas an mheasúnaithe ar phlean téarnaimh agus athléimneachta na hEastóine.

Airteagal 3

Seolai

Is chuig Poblacht na hEastóine a dhírítear an Cinneadh seo.

Arna dhéanamh sa Bhruiséil,

Thar ceann na Comhairle

An tUachtarán

⁶ Rialachán (AE) 2021/1755 ó Pharlaimint na hEorpa agus ón gComhairle an 6 Deireadh Fómhair 2021 lena mbunaítear an Cúlchiste Coigeartaithe Brexit (IO L 357, 8.10.2021, lch. 1, ELI: <http://data.europa.eu/eli/reg/2021/1755/oj>).